

DEDICATORIA.

Exemplis & Deo dilucidè demonstrabo.

VI. OBJECTIO. Longo tempore fuit tolerata. Ergo deinceps quoq; retinenda.

Multa mala ad tempus tolerantur, non tamen iccirco semper retinenda sunt. Antea non ita omnibus patefacta & nota fuerunt innumerabilia ista incommoda usitati libri, quocirca facilius à nescientibus aut parum attentis ferri potuerunt. Nunc verò sciens & volens tot falsa, totq; inutilia juventuti ediscenda proponere salvâ conscientia nemo potest. Id quod supra plus satis fuit ostensum. Christus Ioh. 15. ad suos discipulos inquit: si non venissem & locutus fuisset eis, peccatâ non haberent, Nunc autem non habent quod prætexant peccato suo.

VII. OBJECTIO. Errata illa pueris obiter indicari possunt. Vide quæso hujus objectiuncule solutionem in meæ Dissertationis fine.

Ex his jam breviter delineatis & ultrò citroq; disputatis intelligere, credo, potuistis, Patres Ecclesiarum & Scholarum hujus Electoratûs Saxon. summè amandi; quàm multis non necessariis, immò nullo modo ferendis ambagibus, falsitatibus, molestiis & difficultatibus tam docentes quàm discentes tot annos frustra macerentur ac retardentur, ut vix longo tempore pauci ad frugem aliquam pervenire queant. Vidistis etiam non contra sed pro me stare & pugnare ipsum Philip. Melancthonem, ipsum Ioach. Camerar. eisdq; innocentibus & invitis non sine summâ injuriâ a nonnullis, ut mihi tantùm incommodent, im-
putari